



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

I. De decimis reddendis, paupere alendo, & eleemosyna e regiis praediis
annuatim eroganda. LI. Sax. in prooemio. Iorn. cap. 1.

urn:nbn:de:hbz:466:1-15625

ANNO
CHRISTI
918.

CONCILIVM GRATELEANVM,
AB ATHELSTANO REGE ANGLORVM
habitum, circa annum Domini DCCCCXXVIII.

*In quo leges plurimæ, cum ciuiles tum ecclesiasticæ, statuuntur:
prætermis vero illis, collector has concinnauit.*

TITVL CAPITVLORVM.

- | | |
|---|---|
| I. <i>De decimis reddendis, paupere
alendo, & eleemosyna e regiis
prædiis annuatim eroganda.</i> Ll.
Sax.in procemio. Iorn.cap. i. | bus. Ll. Sax. cap. 23. Iorn. cap.
30. |
| II. <i>De irruptione in ecclesiam.</i> Ll.
Sax. cap. 5. Iorn. cap. 10. | VI. <i>De rerum emptione in die do-
minica.</i> Ll. Sax. cap. 24. Iorn.
cap. 32. |
| III. <i>De sagis.</i> Ll. Sax. cap. 6.
Iorn. cap. ii. | VII. <i>De peierantibus.</i> Ll. Sax. cap.
25. Iorn. cap. 34. |
| IV. <i>De monetariis.</i> Ll. Sax. cap.
14. Iorn. cap. 20. | VIII. <i>De has leges non exequenti-
bus.</i> Ll. Sax. cap. 26. Iorn.c.33. |
| V. <i>De ordalio se sifere spondenti -</i> | IX. <i>De legum latoribus & loco.</i> Ll.
Sax. cap. vlt. Iorn. cap. 35. |

C A P I T V L A.

I.

Ego Æthelstanus rex, ex prudenti Vlfhelmæ archie-
piscopi aliorumque episcoporum meorum consilio,
summopere iis omnibus qui in ditione nostra sunt præfe-
ctis per sacrosancta Dei omniumque sanctorum numina,
& pro mea in eos benevolentia, mando & præcipio, vt
præ ceteris iustas ex meo ipsius proprio, ac debitas pen-
dant tam viuorum animalium, quam annuorum terræ
prouentuum, decimas: id quod singuli episcopi, senato-
res, præpositi præterea nostri faciunto. Episcopi autem, &
præpositi nostri omnes qui sedent in alias iudices, sub ea-
dem formula iudicia exercento, atque hæc omnia ad eum
quem in hoc condiximus diem (festum scilicet Ioannis
Baptistæ capite truncati anniuersarium) conficiunto.

Porro autem nobiscum cogitemus, atque animo dili-
genter expendamus, quod Deo dixerit pater excelsus Ia-
cob: *Decimas meas & hostiam pacificam offeram tibi:* & quod ^{Gen. 13.}
Dominus in euangelio fatus est: *Omni dabitur habenti,* & ^{Matth. 25.}

is abundabit. Recolamus præterea quæ in hoc ipso minaciter scripta sunt libro: *Si decumas dare noluerimus, sola nobis remanente decima, nouem detrahentur partes.* Sermone etiam admonemur diuino terrenis cælestia, & caducis his nostris æterna illa promerer. Quandoquidem igitur auditis quid Dominus iubeat, quidque nos exequi debeamus, ea mihi vos tantummodo comparetis velim, quæ iuste ac legitime parare possitis. Neque enim mihi ad vitæ vsum quidquam iniuste acquiri cupuerim. Etenim cum ea ego vobis lege vestra omnia benigne largitus sim, ut mea mihi vos itidem concedatis prospicitote sedulo, ne quis veſtrum, neve eorum aliquis qui vobis paruerit, offenditionem aut diuinam aut nostram concitetis.

Præpositi singuli ſingulos alant pauperes.

Et feruum liberent.

Ego Æthelstanus rex clare omnibus qui in ditione nostra sunt præpositis significo, me ex Vlfhelma archiepiscopi aliorumque episcoporum & seruorum Dei confilio, ad expianda peccata mea statuisse, ut præfectorum quisque Anglum vnum (si quidem eiusmodi quis inter eos fuerit) cibo sustentet, si non fuerit, aliunde quæſito ad hunc modum viētum subministret. Ex binis singulis villis meis quoque dantor mense, amphora farinæ vna, porci perna vna, aut quatuor denariis æstimandus aries, atque in singulos annos oportenta corporis. Libertate insuper mulctatum vnum aliquem præstinæ restituunto libertati. Atque hæc omnia pro Dei in nos omnes misericordia, nostraque in eos benevolentia, præſente illius regionis episcopo fiunto. Quin si præpositorum quisquam hoc sciens prætermiserit, triginta mulctator solidis, eaque inter opidi illius, in quo fuerit hoc prætermisſum, egentes præſente episco po mulcta distribuitor.

II.

Si quis ipsa triplicis ordalii sententia in fanum irrupisse conuincatur, is, prout in libro habetur judiciali, compensato.

III.

Sagæ, mulieres barbara factitantes sacrificia, aut pestiferæ, si cui mortem intulerint, neque id inficiari poterint, capitis poena esto. Sin omni se criminis suspicione libera re conantes, ipsa triplicis ordalii sententia in reas referantur, 120. dies in carcerem coniiciuntor: quibus peractis,

120.